

que conste no permiso de circulación do vehículo, ou de baixa de ditos vehículos, deberán acreditar previamente ante a referida Xefatura Provincial o pago do último recibo presentado ao cobro do imposto, sen prexuízo de que sexa esixible por vía de xestión e inspección o pago de tódalas débedas por dito concepto devengadas, liquidadas, presentadas ao cobro e non prescritas. Exceptúase da referida obrigación de acreditación o suposto das baixas definitivas de vehículos con 15 ou máis anos de antigüidade.

3.—As Xefaturas Provinciais de Tráfico non tramitarán os expedientes de baixa, transferencia ou modificación de vehículos, se non se acredita previamente o pago do imposto nos termos establecidos nos apartados anteriores.

#### ARTIGO 10.—INFRACCIÓNS E SANCIÓN

Será aplicable o réxime de infraccións e sancións previsto na Lei Xeral Tributaria e nas disposicións que a complementen e a desenvolvan.

#### DISPOSICION FINAL

A presente Ordenanza entrará en vigor a o día seguinte da súa publicación no Boletín Oficial da Provincia e comezará a aplicarse a partir do un de Xaneiro de 2008, permanecendo en vigor ata a súa modificación ou derogación expresa.

Contra a presente ordenanza cabe recurso contencioso.— administrativo na forma e prazos determinados na Lei 29/98 de Xurisdicción Contencioso-administrativa.

### 12) ORDENANZA REGULADORA DA TAXA POLOS SERVIZOS FACULTATIVOS QUE SE PRESTEN EN OBRAS MUNICIPAIS

#### ARTIGO 1º. FUNDAMENTO LEGAL

Ó amparo das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos 15 a 19 do Real Decreto Legislativo 2/2004, que aproba o texto refundido da Lei Reguladora das Facendas Locais, este Concello establece a Taxa polos servizos facultativos que se presten en obras municipais, que se rexerá pola presente Ordenanza fiscal, segundo o establecido no artigo 57 do citado Real Decreto Legislativo 2/2004.

#### ARTIGO 2º. FEITO IMPOÑIBLE

Constitue o feito imponible da taxa a prestación por este Concello, a través dos seus Servizos técnicos, da dirección e inspección de obras contratadas ou adxudicadas polo Concello.

#### ARTIGO 3º. SUXEITO PASIVO

Serán suxeitos pasivos da taxa que se regula nesta Ordenanza, en concepto de contribuintes, as persoas físicas e xurídicas así como as entidades a que se refire o artigo 35.4 da Lei 58/2003, de 17 de decembro, Xeral Tributaria, que soliciten ou resulten beneficiadas ou afectadas pola prestación da actividade administrativa que constitúe o obxecto desta taxa.

#### ARTIGO 5º. EXENCIÓNS, REDUCCIÓN

#### E BONIFICACIÓN

Non poderán recoñecerse outros beneficios fiscais que os expresamente previstos nas normas con rango de Lei ou os derivados da aplicación de Tratados Internacionais, segundo o disposto no artigo 9 do Real Decreto Legislativo 2/2004, de 5 de marzo, que aproba o texto refundido da Lei Reguladora das Facendas Locais.

#### ARTIGO 6º. CONTÍA

A contía da taxa regulada por esta Ordenanza será o 5,35 por cento do importe do orzamento de execución material das obras, aplicando, no seu caso, o coeficiente de baixa, determinándose parcialmente en función do orzamento de exe-

cución material adxudicado de cada certificación de obra expedida.

#### ARTIGO 7º. DEVENGO

Devéngase a taxa e nace a obriga de contribuir cando se inicie a actividade municipal que constitúe o seu feito imponible.

#### ARTIGO 8º XESTIÓN, LIQUIDACIÓN E RECADACIÓN

A liquidación da taxa practicarase polos Servizos Técnicos do Concello unha vez que o contrato da obra sexa adxudicado e sempre que a dirección de obra sexa levada a cabo por técnicos municipais.

A liquidación da taxa aprobarase por Decreto da Alcaldía ou Xunta de Goberno Local.

O importe da taxa deberá ser ingresado polo adxudicatario unha vez notificada a liquidación de honorarios e dentro dos prazos legalmente establecidos.

#### ARTIGO 9º.—INFRACCIÓNS E SANCIÓN

Aplicarase o réxime de infraccións e sancións reguladas na Lei Xeral Tributaria e nas disposicións que a complementen e desenvolvan.

#### DISPOSICIÓN FINAL

A presente Ordenanza entrará en vigor a o día seguinte da súa publicación no Boletín Oficial da Provincia e comezará a aplicarse a partir do un de Xaneiro de 2008, permanecendo en vigor ata a súa modificación ou derogación expresa.

Contra a presente ordenanza cabe recurso contencioso.— administrativo na forma e prazos determinados na Lei 29/98 de Xurisdicción Contencioso-administrativa.

### 13) ORDENANZA FISCAL REGULADORA DA TAXA POR EXPEDICIÓN DE DOCUMENTOS ADMINISTRATIVOS

#### ARTIGO 1º.—FUNDAMENTO E NATUREZA

En uso das facultades conferidas polos artigos 133.2 e 142 da Constitución e polo artigo 106 da Lei 7/85, do 2 de abril, reguladora das Bases de Réxime Local e de conformidade co disposto no artigo 20.4.i) do RD 2/2004, de 5 de marzo, polo que se aproba o Texto Refundido da Lei Reguladora de Facendas Locais, o Concello acorda a imposición e ordenación da Taxa por expedición de documentos administrativos, que se rexerá pola presente Ordenanza Fiscal e o disposto no citado Texto refundido.

#### ARTIGO 2º.—FEITO IMPOÑIBLE

1.—Constitúe o feito imponible da taxa de actividade administrativa desenrolada con motivo da tramitación, a instancia de parte, de toda clase de documentos que expida e de expedientes de que entenda a Administración ou as Autoridades Municipais.

2.—Para estes efectos, entenderase tramitada a instancia de parte calquera documentación administrativa que fora provocada polo particular ou redunde no seu beneficio aínda que non mediara solicitude expresa do interesado.

3.—Non estarán suxeitas a esta Taxa a tramitación de documentos ou expedientes necesarios para o cumprimento das obrigas fiscais, así como tampouco as consultas tributarias, os expedientes de devolución de ingresos indebidos, os recursos administrativos contra resolucións de calquera clase e os relativos á prestación de servizos ou realización de actividades de competencia do Concello.

#### ARTIGO 3º.—SUXEITOS PASIVOS

Son suxeitos pasivos en concepto de contribuíntes as persoas físicas e xurídicas e as entidades as que se refire o